

## 茂文公四修族譜序

德中公曰天地間物極必返由剝而復由困而升寢熾寢昌理有固然大哉斯言昔族

先祖茂文公之居茅灘壁厯世數傳子孫無多家亦甚容人咸以爲該地不利乃若斯爲問者地利者遂無若斯者耶毋亦時也命也遇也謂物極必返者然也曷言之辛丑續修譜牒之後公裔由茅灘而遷小溪高車廟前洲不過數十餘年而已今則必返之時也雖不曰子孫蔓延桑梓厦屋渠渠田連遷陌而置田園肯堂構者足可稱焉以此卜之行見螽斯蟄蟄瓜瓞綿綿恢宏先緒大啟鴻圖何難之有乎況今子孫有尊祖敬宗之心不忘其本自且勤儉習慣雍睦成風振振繩繩指顧問事也茲因合修族譜屬序於予予不揣謏劣故欣然而為之序以補於首

肯

民國三十四年乙酉冬月 穀旦

族孫明照月臨氏 拜撰

公元二零二五年乙巳歲春月 重刊

## 茂文公支序

金陵爲帝王之區虎踞龍蟠極天下之勝言形勢者艷稱之以故王者造邦不取偏隅士人建家多求廣野今世家大族因之大率多地利者而吾竊謂不然昔者舜生諸馮女生岐周一東夷一西夷卒成大業且沃土之民不才瘠土之民向義安見肥美財足致殷富崖岸則不宜子孫也昔族先祖茂文公由粵東惠州府博羅縣遷今劉東十都之茅灘壁今厯數傳子孫無多家亦甚窘人咸以爲該地不利乃若斯爲問得地利者遂無若斯者耶毋亦時也命也遇也吾因轉爲之賀焉非如叔向公之賀宣子也天地間物極必返今則必返之時也由剎而復由困而升寢熾寢昌理有固然行見置田園肯構堂多男孫蔓延桑梓稱盛族焉茲續修族譜請序於予予不才據其實而直書以爲序

肯

大學生族孫德中 拜撰

公元二零二五年乙巳歲春月 重刊